

REFERAT AIA - Aningaasaqarnermut Inuussutissarsionermullu Ataatsimiititaq d. 08-10-2019

Mødedato Tirsdag d. 08. oktober 2019 kl. 17:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Arctic Wonderland Diskotek aamma Krostue Tasiilaq Imigassamik kimittuunik kimikitsunillu sassa	8
Suliat Kommunalbestyrelsimut ingerlateqqitassat.....	13
Taasariaqartut allat.....	14
Suliat matoqqasut.....	15
Imaqarniliap akuerineqarnera.....	16

Punkt 0: Saqqaa

Ilaasortat

Charlotte Ludvigsen (IA), *siulittaasoq*

Harald Bianco (IA)

Charlotte Pike (IA)

Henrik Rachlev (IA)

Justus Hansen (D)

Peter Davidsen (S)

Jens Kristian Berthelsen (S)

Beslutning

Najuuttut: Charlotte Ludvigsen (IA), Charlotte Pike (IA), Harald Bianco (IA), Henrik Rachlev (IA) Justus Hansen (D), Peter Davidsen (S) aamma Jens Kristian Berthelsen (S)

Punkt 1: Oqaluserisassat akuersissutigineqarneri

Beslutning

Oqaluserisassat akuerineqarput.

Punkt 2: Nalunaarutit

Siulittaasumit nalunaarutit

Beslutning

Soqanngilaq.

Punkt 3: Ilisimatitsissutit

Soqanngilaq

Punkt 4: Aalajangiiffigisassat

**Punkt 04A: Arctic Wonderland Diskotek aamma Krostue Tasiilaq
Imigassamik kimittuunik kimikitsunillu sassaallinissamut akuersissummik
type B-mik qinnuteqaat**

Beslutning

Inassuteqaat imatut oqaaseqaatitalerlugu akuersissutigineqarpoq:

Ukiumik ataatsimik sivilissuseqarnissaa akuersissutigineqarpoq massakkumiit nal. 03.00 tungaanut ammasassaaq.

Arctic Wonderland Diskotek aamma Krostue Tasiilaq Imigassamik kimittuunik kimikitsunillu sassaalliinissamut akuersissummik type B-mik qinnuteqaat

Aalajangiiffigisassaq

J.nr. 70.06.00

Suliffeqarfimmi Kiffartuussivik - Pisortaaneq Lars Møller-Sørensen / LMS

Suliassamik eqikkaaneq

Suliffeqarfimmik Kiffartuussinermi Arctic Wonderland Diskotek aamma Krostue, Umiarsualivimmut B 107, 3913 Tasiilaq, Mike Nicolajsen-imit imigassamik kimittuunik kimikitsunillu sassaalliisinnaanermut qinnuteqaat tiguneqarpoq. Juuli qaammat 2018-imi Arctic Wonderland Diskotek og Krostuen sassaallersinnaanermut akuersissut pigisaat arsaarinnissutigineqarallarpoq 1 juuli-mit 31. juuli 2018 ilanngullugu atuuttumik, tamanna pivoq imigassamik sassaallersinnaanermut piumasqaataasut naammassineqanngimmata. Sassaallersinnaanermut akuersissut maanna pigisaat auggustip 2-nut 2019 atorunaarpoq, maannalu imigassamik sassaallernissamut akuersissutip nutarternissaanut qinnuteqaat tiguneqarpoq, tassunga atatillugu tusarniaanernik aallertoqarpoq, tassani politiit kommunimut nalunaaruteqarsimapput ilaatigut matoreernerup kingorna tuniniaasoqarneranik, takuneqarsinnaasumik aalakoortunut tuniniaasoqarneranik, pisiniat amigartumik nakkutigineqarnerannik aammalu aporaannerit amigartumik passunneqarnerannik. Tassunga ilanngullugu oqatigineqassaaq piffissami juuli 2018-imi sassaallernissamut akuersisutip arsaarinnissutigigallernerata nalaani pisartut malunnartumik appariaateqarnerat Politiinit maluginiarneqarsimasoq. Suliffeqarfimmi Kiffartuussinermi suliaq inatsisilerituumut misissortinneqarpoq, taassumalu nalunaarutigisinnaavaa Politiinit uppersaatait naapertorlugit inerniliinissaq ajornakusoortinneqalaartoq, pissutsit sassaallernissamut akuersissutip arsaarinnissutiginera sioqqullugu eqqarsaatigalugit, maannalu takuneqarsinnaasoq "pissutsit" sassaallertarfiup silataani pinerusartut pisartullu inuit ataasiakkaaginnaat akornanni pisarlutik.

Sassaallertarfiit nunatta kangiani nunattalu kitaani assersuunnarlugit Nunatta Politiivi immikkut paasiniaqqissaarinermik ingerlataqarsimanngillat. Tasiilami sassaallertarfiit amerlassusaat eqqarsaatigalugit aammalu pisartut eqqarsaatigalugit, ulloq unnuarlu nalunaarusiamit uppersarsarneqartumi, Nunatta Politiivinit isumaqarfigineqarpoq nunatta sinnerani nalinginnaasumik sassaallerfiusartunut sanilliullugu ajornartorsiut annerusoq. Sassaallerfiusartuni ataasiakkaani ajornartorsiutit annertussusaat takuneqarsinnasarpog. Peqatigitilluguli Nunatta Politiivinit nalilerneqarpoq, akuersissumik arsaarinnikkallarneq (piffissap ilaani) periarfissallu allat ilanngullugit (sivikinngerusumik ammasarfiit il. II. piffissat ilaannaani imlt. ataavartumik - assersuutigalugu nal. 24.00 tungaanut akuersissummik pigisaqartumut ataatsimut aqqissutaasinnaasut ilagivaat. Taamaasilluni sassaallertarfimmit sassaalliinissamut qinnuteqaat nutarterneqarsinnaalluni imaluunniit ammasarfiit sivikillineqarsimasut sivitsornissaannut, akuersissutip piginnarnissaanut piumasqaataasunik unioqqutitsinngitsumik pissuteqassaaq.

Suliffeqarfimmi Kiffartuussiviup Politiinit inatsisilerituumillu akissutit misissoreerlugit nalilerpaa, Arctic Wonderland Diskotek og Krostuen, imigassamik saassaalliinissamut akuersissummik killilimmik ukiumi ataatsimi atuuttussamik tuninneqassasut. Tamatumunnga pissutaavoq inooqatigiinnut politiit tungaaniillu pissutsit immikkut eqqarsaatigisariaqarnerat, Imigassaq pillugu Inatsisartut Inatsisaat nr 35, 23. novemberi 23, 2017-meersumi § 5.4 "Isumaginninnikkut politiinullu tunngasut pillugit immikkut isummat. Imm. 2. Taamaattorli kommunalbestyrelsip imm. 1, nr. 1-2 naapertorlugit mianerinninneq ilanngutissanngilaa, qinnuteqartut § 4, imm. 5 naapertorlugu qinnuteqartut pineqartillugit. Imigassamik aalakoornartortalinnik nioqquteqarsinnaanermut/sassaallersinnaanermut akuersissut ukiunut pingasunut

atuuttussanngorlugu tunniunneqartassaaq. Kommunalbestyrelsi piffissami sivikinnerusumi atuuttussanik imigassaq pillugu akuersissuteqarsinnaavoq.

Suliffeqarfimmi Kiffartuussinnermit isumaavoq killilimmik, ukiunut 3-nut taarsiullugu ukiumi ataatsimi atuuttussamik akuersissummik agguaassinikkut piginnittumut, sassaallertarfimmi eqqissiviilliornerit killilersimaarnissaat aqunneqarsinnaanerusoq taamaasillunilu Inatsisartut Inatsisaat nr 35, 23. novemberi, 2017-meersoq nammassineqarsinnaasoq.

Suliaq Aningaasaqarnermut Inuussutissarsiornermullu Ataatsimiititami 25. septembari 2019 oqaluuserineqarpoq, amerlanerussuteqartut (IA+S) imigassamik aalakoornartulimmik sassaallersinnaanermut akuersissummik qinnuteqaat kiisalu ammasarfiit sivikinnerusut akuersissutigaat, ikinnerussuteqartullu (D) imigassamik aalakoornartulimmik sassaallersinnaanermut akuersissummik qinnuteqaat akuersissutigaat ammasarfiillu sivikinnerunissaat itigartitsissutigalugu.

Inassuteqaat

Suliffeqarfimmi Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- imigassamik kimikittumik kimittuumillu aalakoortartortalimmik type-B qinnuteqaat Arctic - Wonderland Diskotek og Krostue ukiumi ataatsimi atuuttussaq akuersissutigineqassasoq.
- sumiiffiullu ammasarnera sivikinnerusumik ammasassanersoq, assersuutigalugu nal. 24 aalajangiiffiqullugu

Suliassamik saqqummiussineq

Imigassamik kimittuunik kimikitsunillu sassaalliinissamat akuersissumik Type B-mik Arctic Wonderland Diskotek aamma Krostue, Umiarsualivimmut B 107, 3913 Tasillaq, Mike Nicolajsen-imit qinnuteqaataa Suliffeqarfimmi Kiffartuussiviup tinguaa.

Qatserisartoqarnermut oqartussaaitanit juunimi 2019 sumiiffik takuniarneqarpoq Suliffeqarfimmillu Kiffartuussinnermit imigassamik sassaalliisinnaanermut tunngasunik paasisutissat tamaasa, sumiiffimmilu imigassaq pillugu politikki pillugu paasisutissat tiguneqareerput. ./ Ilanngunneqarpoq

Inatsisilerituumit nassuiaat naapertorlugu, itigartitsisoqartarnerani itigartitsissutip aallaaviatigut qaqugu Kommunalbestyrelsimit nalunaarutigineqassanersoq allaaserineqarpoq:

- Suliffeqarfimmi kantiinat imigassaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit sassaalliisarfiillu assigisaat imigassanik kimittuunik tuniniaasussaasariaqanngillat. Taamaattorli sassaallertartut imigassanik kimikitsunik sassaallertarnissaannut Kommunalbestyrelsimit aalajangerneqarsinnaavoq.

Inatsisilerituutaaq nassuiaatigaa, ingerlatsisussaaitaanermut assigiimmik tunngaveqarnissaq Kommunalbestyrelsimit qanoq unioqqutitsisoqarani saneqqunneqarsinnaanersoq:

- Najugaqarfiit eqqaanni sassaalliisartarfiit nutaat Kommunalbestyrelsimit illoqarfiup pilersaarusiorneqarnera naapertorlugu itigartissallugit nalunaarfigisinnaavai
- Sumiiffimmi arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pinnaasooq annilaanngatigiineqarsinnaammat

Pisuni allani imigassartunnginnermik siuarsaanissamat tulluartausut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tungavigalugu Kommunalbestyrelsimi itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakuummatami inuusuttunit ornigarneqarlutut.

Aaqqiissutissatut siunnersuut – suliatiqut naliliineq

Imigassallersinnaanermut akuersissummut paasissutissat tamarmik Suliffeqarfimmi Kiffartuussivimmit pissarsiarineqareerput. Suliffeqarfimmi Kiffartuussinermiit nalilerneqarpoq, Arctic Wonderland Diskotek og Krostue, Mike Nicolajsen-imit pigineqartup aallaaviatigut imigassamik aalakoornartortalimmik type B-mik sassaalliinissamut piumasaqaatit naammassineqartut – piffissamili sivikinnerusumi ukiumi ataatsimi. Tassunga ilanngullugu ammasarfii sivikillineqassapput nal 24.

Aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Inatsisitigut tungavissaq allakkallu tungaviusumik uppersaatitalit

- Imigassaq pillugu Inatsisartut inatsisaat nr. 35, 23. november 2017-imeersoq.
- Inuit imigassanik aalakoornartulinnik nioqquteqartarfiit sassaallertarfiillu aaqqiissuunneqarneri atorneqarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marsi 2011-meersoq

Ingerlariaqqinnissaq

Aningaasaqarnermut Inuusutissarsiornermullu Ataatsimiititap akuersissuteqarneratigut Arctic Wonderland Diskotek og Krostue ved Mike Nicolajsen-imit pigineqartup, Inatsisartut Inatsisaat nr 35, 23. novemberi, 2017-meersoq § 5.4. naapertorlugu akuersissummik tunineqassaaq. Sulliffeqarfimmi Kiffartuussiviup imigassanik tuniniaasinnaanermut sassaallertarnermullu akuersissutinut atatillugu allaffissorneq akisussaaffigaa.

Aningaasaqarnermut Inuusutissarsiornermullu Ataatsimiititap itigartitsissutigissappagu qinnuteqaateqartoq Suliffeqarfimmi Kiffarsuussiviup maalaaruteqarsinnaanermut paasissutissat pillugit nalunaarfigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkat aalajangerneq

Aningaasaqarnermut Inuusutissarsiornermullu Ataatsimiititap 25. septembari 2019-imi aalajangiussaa:

Inassuteqaat akuerineqarpoq

(IA + S) Amerlanerussuteqartut: Imigassanik kimittuunik kimikitsunillu tuniniaasinnaanermut akuersissummik pigisaqarnissamik qinnuteqaat akuersissutigineqarpoq, sivikinnerusumik ammasalernissaa akuersissutigineqarpoq

(D): Imigassamik tuniniaasinnaanermut akuersissut akuersissutigineqarpoq, sivikinnerusumik ammasalernissaa itigartitsissutigineqarpoq.

Ilanngussat
Soqanngilaq.

Punkt 5: Suiat Kommunalbestyrelsimut ingerlateqqitassat

Soqanngilaq

Punkt 6: Taasariaqartut allat

Beslutning

Soqanngilaq.

Punkt 7: Suliat matoqqasut

Soqanngilaq

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 13.10